

大名府志卷之十六

人物

流寓

唐田縉字雲長承嗣子本平州盧龍人貞元十年入朝授左驍衛將軍封扶風郡公元和中拜夏綏銀節度使城宥州以扼寇路王師伐蔡上橐駝牛馬助軍土蕃寇豐州縉設伏邀其歸路斬殺過當終左領軍將軍弟華太常少卿尚永樂新鄉二公主

史憲忠字元貞憲誠弟其先奚內徙靈武爲建康人官田弘正牙門將討齊蔡爲先鋒閱三十戰中流矢

酣鬪不解由是著名

史孝章字得仁憲誠子天資修謹憲誠用河北故事  
孝章涕泣諫并請討同捷以自明文宗賢之及魏亂  
父卒帝念史氏而卿孝章故奪喪拜金吾衛將軍徙  
節鄜坊自邠寧以病告歸卒於行贈右僕射

宋閻守恭本榆次人徙大名性沉勇御軍整嚴從征  
積功至勅史鈐轄所得俸祿悉以予人

金烏延吾里補自曷懶路徙大名領謀克攻滄青恩  
密楚揚通泰等州得戶五萬四千馬牛萬餘匹降營  
四破營三敗敵兵三十餘萬襲猛安官至龍虎衛上

將軍

元郭昂自林慮流寓開州通經史工詩習刀槊能挽  
強中的廉希憲薦之官至廣東宣慰司都元帥招降  
徭獠蠻人服其威子震懷遠大將軍鎮杭州豫廣西  
宣慰副使惠延平總管謙屯田提舉坤益州知州

忽都自北庭從清豐武勇蓋世由宿衛爲南宿州鎮  
將從世祖南征年幾七十每率先士卒冒矢石身被  
數十創戰功居多贈廣平路總管封漁陽郡侯子拜  
降母徐氏教之從師大名講解精細郡守異之長從  
丞相阿朮攻宋功最一軍遷慶元治中力請發粟四

萬饑民賴以全活陞浙東廉訪副使豪強懾服入為工部尚書有能聲贈資政大夫江浙右丞諡貞惠

烏古孫仲本女真烏古部父璧金明威將軍金亡來徙大名仲侗有奇節遭金季世憤無所施用高言

危行親交避之遂縱酒佯狂以自晦子澤字潤甫性剛毅讀書舉大畧才幹過人丞相阿朮一見奇之辟

為掾時宋廣王起福州元帥竣都問計於澤澤言當直擣閩關峻都用之遂平閩廣上聞命知興化軍字

民卹幼除奸安眾勵學百姓感之卒官福建廉訪使諡止憲澤子良楨字幹卿號約齋好讀書以蔭補官

請定徒減杖法拜行臺劾丞相達識帖睦爾賣國勸  
改國俗薦劉因從祀進榮祿大夫賜玉帶重定律書  
有詩文奏議

方技

宋盧杲大名人邑之巨族以方技名河朔間政和二  
年被旨校正和濟局方刪補治法岐黃而下數百家  
無不通究著易說五十篇元好問銘其墓

元李穀號東齋大名人通百家書尤精於醫爲懷慶  
路醫學提舉子敬恒世其業

郭大巨開州人少遇異人授以脈訣與子隆俱以醫

名晉魏問

國朝魏宗元南樂人工醫精米家山水

王渠軒元城人以畫梅著

孟國俊號百夫元城人博士善畫

列女

顓頊妃女祿

顓頊妃嬌極

衛莊姜美而無子逮下以寬能不妬忌教子以正能  
豫必其賢否衛人爲賦碩人之詩

衛定姜遭國多難而言必以正事詳左傳

衛共姜世子共伯之妻早寡父母欲嫁之作柏舟之詩以自誓

許穆公夫人宣公之女也衛爲狄所滅夫人欲歸寧而義不可往賦載馳以見志君子美其發於情止於禮義

宋桓公夫人宣公之女也生襄公而出歸於衛襄公卽位夫人思之而義不可往作河廣二章小序曰宋襄公母思宋也

漢孝元皇后元城王禁女初元元年立爲皇后成帝竟寧元年尊爲皇太后任用王鳳王音王商王根以

至王莽遂移漢祚莽自立求璽太后曰而屬父子宗  
族蒙漢家力旣無以報而奪取其國狗猪不食其餘  
莽壞孝元廟太后聞之驚泣冬祠臘獨用漢家止臘  
孝平皇后王莽女也十歲立爲皇后歲餘平帝崩尊  
爲皇太后爲人婉嫵有節操自劉氏廢常稱疾不朝  
會莽敬憚之令新成公孫建世子問疾后人怒鞭其  
侍御及漢兵至后曰何面目見漢家自投火死

質帝母陳夫人家本衛郡少以聲伎入宮生帝熹平  
四年小黃門趙祐議郎畢整言春秋之義母以子貴  
隆漢盛典尊崇母氏凡在外戚莫不加寵今質帝母



陳夫人誕生聖皇未有稱號夫臣子雖賤尚有追贈之典况母見在不蒙崇顯之封無以述尊先世垂示後世也帝乃拜陳夫人爲渤海孝王妃使中常侍持節授印綬遣太常以三牲告靜陵

昭烈皇后陳留人吳壹妹也章武元年夏五月策曰朕承天命奉至尊臨萬國今以後爲皇后遣使持節丞相亮授璽綬承宗廟母天下皇后其敬之哉建興元年尊爲皇太后延熙八年崩合葬惠陵諡曰穆皇后

魏文成皇后李氏陳留李誕之女

世宗婕妤李氏李彪之女幼而聰令教之書學誦讀經傳彪常曰此當興我家彪沒世宗召爲婕妤以禮迎引常教帝妹書誦授經史上崩爲比丘尼通習經義法座講說諸僧歎重之

唐肅宗章敬皇后濮陽吳令珪之女侍肅宗於東宮寢厭不寤太子問之云夢神降我介而劍決我脅以入殆不能堪燭至其文尚隱然生代宗玄宗至東宮觀浴兒視之大喜后性謙柔太子禮之甚渥年十八薨代宗卽位上諡祔廟合葬建陵

宋真宗章懷皇后大名人潘美第八女真宗在韓邸

太宗爲聘之封莒國夫人端拱二年五月薨年二十九  
二真宗卽位追冊爲皇后

明麗妃葛氏錦衣衛指揮使清豐葛川女洪武十九  
年入宮生伊王二十六年進位麗妃

美人葛氏麗妃之妹太祖昇遐美人以身殉

世宗孝潔皇后陳氏元城人嘉靖元年立性嚴厲七  
年十月崩祔葬永陵

和妃高氏錦衣衛千戶清豐高廷璋女嘉靖中入宮  
安妃高氏大名高森女嘉靖二十六年選入宮後封  
安妃

神宗慎嬪魏縣生員魏承志女言笑不苟萬歷初年入宮端莊貞靜封九嬪

徐國長公主神宗幼女下嫁大名潘意克修婦道待族黨以禮內外無間言志向沖淡簡嬉遊十年間惟一適西園而已視妾媵子如已出三年稱柔惠帝姬五年薨封賢靜長帝姬

唐魏州女子侯氏滑州女子唐氏當史思明之叛也相與歃血赴行營討賊滑濮節度使許叔冀表其忠皆補果毅其敢決不忘國勝於男子

高愍女名妹妹父彥昭事唐李正己及子納拒命質

其妻子使守濮陽建中二年彥昭挈城歸河南劉元  
佐納屠其家女時年七歲母憐其幼乞免死爲婢許  
之女不允曰母兄皆不免何以生爲將被刑母徧拜  
四方女問故母曰神可祈也女曰我家以忠義誅神  
尚何知問父所在西向哭再拜就死德宗詔太常謚  
曰愍李翱爲之碑記

元大名馮氏名淑安字靜君適山陰令李如忠前室  
蒙古氏有子名任馮生一子名伏如忠没氏年二十  
二李氏蒙古氏之族來山陰取貲及任而去馮厝如  
忠及蒙古氏之柩於戴山與子伏同廬墓側身爲女

師以糊口父母來欲奪其志氏爪面流血越二十年而始歸葬齊魯之人聞之莫不歎息

大名王德政妻郭氏少孤事母孝謹時德政教鄉里年四十餘貌甚古陋母欲納以爲婿使之教子宗族皆不然之氏慨然順母旣婚相敬甚篤及德政卒年二十餘節孝肫摯大德間表其閭

內黃趙美妻王氏年二十夫溺死舅姑憐其少欲令再適強以族姪爲配氏縊死至正間旌

開州谷有源妾姜氏有源至正未判蘇州遭疾且死謂其妻妾曰吾病必不起汝輩肯從子乎姜曰諾及

有源卒妻遂繼死同窆事聞詔旌其門

明大名張洙妻竇氏洙父崇雅知濟寧州爲洙聘於竇氏旣婚竇躬理絲枲竟夕篝火佐夫讀洙以攻苦致疾死竇哭絕復蘇自製斂具畢見洙招之應曰吾行矣抱膝長逝面貌如生

刑部郎中劉默妾武氏元城武方亮女也默年七十七子工部尙書遵憲擇良家女侍父起居得武氏年甫十五貞靜有威儀勤執事寡言笑晨夕無倦容默卒武年二十有八有風以他適者武曰從一之義無分貴賤我以貧家女獲侍君子側聞義理多矣敢有他

志乎遵憲聞之感泣而拜夫婦敬禮之其諸孫男女日繁武撫養周至年八十卒祔葬賜塋

元城金廣妻李氏年二十四夫卒家貧無以自養父母欲其改適氏號泣剪髮以明靡他備涉艱難足不出閨闈者五十餘年萬曆二十一年旌

生員黃炳妻李氏炳卒時遺子二長別駕會極方九歲次少師立極方五歲炳繼母董氏亦孀居李念姑老子幼義不可死遂與董氏共撫二孤家故貧李惟晝夜紡績上供甘旨下給兩兒脩脯之費二子卒致迴顯大啟開立極疏請以雙節建坊旌表



趙遐妻陳氏遐死兄遠賣其妾何氏陳以何氏欲守節言遠給以井陳賣之陳懼遂密縫其衣投井而死魏縣薛某妻閆氏薛飲博破家賣妻以償博氏投井死守縣楊道南勒石表墓

武應元妻連氏年十七歸應元九日從俗歸寧有叛官搶掠氏大罵掌賊面死於兵知縣劉維仁祭其墓李尚斌表其門

史步雲妻劉氏貧而能孝姑病割股以進姑竟更生知縣原一魁旌曰純孝格天

南樂生員王蘭妻何氏年二十夫死遺一子名指

南方二歲家貧時苦不贍每售女紅得微貲卽以爲子館穀子登進士萬歷年間賜旌表

魏昇妻黃氏甫娠而寡家徒壁立撫遺腹子泰臨胸馮文敏公琦曰是時微黃也魏之宗滅矣高邑趙忠毅公南星曰貧苦守節撫子成人黃其遂大魏氏乎泰生子經累贈至光祿大夫

清豐石顏士妻葛氏惡少石家慶窺其姿色夜撬其門氏喊得免自縊死崇禎十一年旌

內黃劉薄姐年十五隣人迫之女拒不從自縊死特詔旌表

東明張光祖妻李氏年十九光祖死舅姑篤老子未  
睜周貧窮孤苦氏紡績供甘旨育遺雛艱辛備歷者  
四十三年

辛體仁妻趙氏夫亡食貧勤針指育遺孤夙夜堂上  
苦節六十餘年

張洪年妻高氏年十九洪年死氏孀居事姑姑病割  
股進姑疾尋瘳

陳留孫如龍妻陳氏東明陳其猷女年二十如龍死  
撫庶子三子一以奉舅姑舅卒喪葬盡禮教四子俱  
列庠序甲申之變聞子死難遂赴井死順治七年巡

按旌表

開州常日嚴妻王氏生名門寡言笑孝親敬長盜至欲執之墜樓折脅而死

史相士妻李氏崇禎十二年舅姑死於沒貧不能葬十五年相士糊口於滑死於兵氏袒括還喪寇至氏守三柩不去亂平葬三喪成禮士大夫爲之請旌氏懇辭而止

秦繪妻周氏守三歲遺雛事癱姑惟謹盜至笞姑索金氏以身左右蔽一身盡傷衣爲之赤賊感而釋之教子遊庠序知州劉嘉旌

長垣成夢庚妻田氏夢庚病篤循俗娶妻入門而夢  
庚已死氏事姑至孝姑病割股以進姑沒不食而死  
某妾某氏獨樵於田一箕匠挑之不從刺氏腹腸出  
而死箕匠遠遁頃之狂走詣屍所夫族執而愬諸官  
置箕匠法立匾以旌

韓志奇妻薛氏崇禎甲申土寇犯長垣城上發礮賊  
計窘聞氏初產劫之使拜礮以爲厭氏曰死則死豈  
爲賊拜礮耶因罵不絕口賊剖其腹閱三月虫鳥不  
敢近

國朝大名徐養元妻張氏家貧晝夜勤女工事舅姑

有諷之改適者氏痛哭謝之康熙中旌表

李永祐妻劉氏孝姑始終無懈不以饑寒易其操雍正年間旌表

元城鄭國器妻宋氏國器家貧氏傭工以佐國器死守節姑憐之欲以爲姪國璽妻氏矢志不從國璽謀娶氏縫紉其衣赴井雍正八年旌

孫月朴妻謝氏惡少挑之投繯死雍正八年旌

錢灤妻黃氏灤死氏侍病姑百餘日不少懈勤紡績供甘旨中年喪子苦節六十一年撫二孫入庠序雍正十二年旌

徐年妻吳氏因宋三語言褻狎氏羞憤自經乾隆二十一年旌表

高驢妻田氏卽志元窺氏獨處乘夜入門氏投水死知縣狄咏旌旌

呂遇侯妻曹氏姑瞽舅癱氏晝夜扶持寒暑無間

黃氏父黃彪無子氏孝事之終身不嫁乾隆四年旌

魏縣生員苗苾妻高氏性至孝事翁姑先意承志甚

得歡心嚴以教子就外傳人曰汝家事紡績何以讀

書氏曰吾家世世書香何可至吾兒而絕寧可一日

不食不可使吾兒一日不讀子天賦遊庠舉優行氏

教誨之力爲多

南樂張思義妻宗氏姑病氏以身禱恍忽若有呼之者曰食爾肉卽愈氏潛割股以進姑病果痊越數日姑見其臂常屈知其事親黨驚歎知縣璩士修旌

清豐中書舍人程維翰繼妻封氏年未二十而寡事老姑晝夜不離左右撫前子恩勤教誨一本於誠

滑縣耿大姐年十七順治七年強賊劫女去大罵遇

善

馬大姐賊劫其家欲殺其母女挺身出賊挾女上馬女罵不絕刃之



東明舉人劉璧星妻彭氏璧星以誅僞官死節氏攜  
孤避難屬兄收璧星尸以葬劉氏之不絕實深賴焉  
教子讀書壽八十八雍正六年旌

張二黑妮妻童氏夫沒子幼行乞守節遇趙二於途  
欲污之氏嚙趙二指更得途人王姓救獲免氏歸自  
縊事聞置趙二於法

曹三姐農家女也父母力於田有惡少窺氏於家氏  
與之格被殺 詔旌其塚邑人題聯於柱曰身同玉  
碎方完璧命比毛輕乃重山

開州黃士昌妻吳氏順治五年齊賊入城氏被執大

罵賊亂刃殺之張副使抑之爲之記

馮彥居妻劉氏彥居外出氏爲強暴祁二所窘堅志不從死雍正六年旌

王坤妻劉氏賊申賢持刃迫之不從自縊七年旌

張珍妻段氏馬龍見欲污之氏自縊死

劉綸妻王氏顧璜踰牆逼姦氏不從自縊死

劉鳳姐未字劉三挑之遂自縊得救不死復不食數日乘間投繯

長垣耆賓于映弼妻靳氏幼時父母爲流賊所傷氏以鐵器擊賊腦適映弼爲姑浣瘡姑痛楚氏亦痛楚

忽夢神與之語以虎屎中骨調服則瘡可廖虎鬚插齒則痛可止氏因跪禱於神閱七日搏得虎如法療之瘡果愈縣令旌之曰孝感山君

監生張元良妾單氏年十九元良死氏守節嫡子暉敬之以仲子永爵令撫育慰氏心暉妻宋氏死繼揚州丁氏暉與丁氏之揚州永爵依單暉還單謂永爵曰汝母與弱弟妹久居揚非宜汝年已成人當隨汝父往圖完聚永爵心然之顧以依單久不忍離單窺其意乘間自縊以促其行並完其節云

唐嘉彥妻某氏嘉彥任大岡巡檢順治間卒於官氏

守孤子居於垣值土寇高傑剽掠氏爲所獲曰吾寧

義死不受賊辱遂遇害

按嘉彥不知其里居節婦不知其姓氏大岡長垣地以其

事之不容沒也故附之長垣云

按郡屬稱禮義之鄉人尚名節間井婦女亦多能矢死舍生以全其操故自前代至於國朝其行

蹟卓然見於舊志者既並列之於傳而當明季閨

闈死難自正德六年至崇禎壬午甲申之間踪蹟

略同事實不詳者未可以湮沒不傳亦復次其時

代姓氏附著於篇至於名在禮官州邑之賢式閭

表宅實亦風化之先故並存其節畧紀之於後庶

無遺漏焉正德六年之難被辱不屈死者大名閨  
女王氏陳氏王氏元城監生胡來庭妻李氏魏縣  
楊善妻劉氏女楊氏閻闡妻韓氏閻彪次女嬰兒  
內黃李贊妻馬氏馮茂女三姐清豐楊璣女布娥  
張氏女金臺滑縣閨女康氏段氏開州劉肅女玉  
桂白士強妻李氏王世選妻侯氏長垣毛秀妻王  
氏李章妻郝氏王臣妻李氏投井死者大名閨女  
鑑氏清豐孔氏女穿臺姜從仁妻王氏滑縣閨女  
張氏劉氏東明董綸妻李氏赴水死者南樂臺湖  
妻霍氏長垣黃科妻趙氏王爵妻徐氏王卓妻苗

氏王結妻魏氏碎首死者南樂張臣妻李氏肢解  
死者南樂蘇景女蘇氏清豐楊氏女碎玉崇禎壬  
午之難被辱不屈死者南樂通判萬世祚妻孟氏  
清豐侶鴻舉妻高氏李其祥妻馬氏監生王建妻  
氏適濮州生員王蓄寬妻任氏投井死者南樂  
舉人武緯妻趙氏子婦朱氏女二人舉人閻銘妻  
江氏清豐石藏玉妻唐氏張灝妻呂氏生員郭爲  
典妻傅氏生員傅作元女傅氏開州縣丞邢爲典  
妻傅氏自剄死者清豐鄭獻書妻陳氏嫂扈氏生  
員高銓妻張氏劈腦死者清豐李善氣女墮樓死

者開州進士常時泰妻袁氏癸未之難投井死者  
元城生員房習曾妻范氏甲申之難殉夫死節者  
清豐監生朱庚星妻呂氏

元庫氏

南樂趙遜妻  
延祐元年旌

楊氏

韓德妻延  
祐間旌

劉氏

睢伯源妻  
至正間旌

孫氏

濬縣

謝氏

滑縣馬惟良  
妻未婚孝姑

商氏

劉某妻孝翁姑撫  
弱子甘苦守節

常氏

郭甫妻事  
舅姑惟謹

明王氏

大名靖世芳妻  
教子官溧陽簿

陳氏

濬縣丞王雄妻撫  
孤扶櫬歸鄉里

李氏

任朝妻孝舅姑撫  
初子官訓導縣旌

趙氏

徐繼克妻撫二子  
孝繼姑本縣給匾

王氏

崑人麻懷仁妻清  
苦孝親教子入學

鄭氏

任相妻子死撫  
孫備嘗艱苦

孫氏

馮岩妻貧苦教子

李氏

周廷妻無子孝事老姑

步氏

連冬妻甘貧教子

張氏

石科妻孝親撫女

王氏

李思明妻殉夫自縊

張氏

呂尚義妻撫遺腹子應時

劉氏

呂應時妻守一歲幼孤奉姑雙節

石氏

兗州通判趙來聘繼妻撫前子爲都昌令

杜氏

郭偉妻守子永錫成立

趙氏

郭永錫妻孝孀姑知縣王爾彥旌以雙節

朱氏

趙來賀妻撫姪爲子本縣旌

閻氏

劉師寵妻撫彌月子讀書入泮旌表

常氏

生員步元妻無子孝親府縣旌

和氏

麻錢繼妻決意殉夫飲毒而死

張氏

生員田績妻府縣旌

冀氏

生員劉朴妻縣旌

蘇氏

生員張文耀妻

周氏

生員高良弼妻縣旌

王氏

元城生員張鳴道妻撫孤成立

閻氏

李齊芳妻無子孝親



崔氏

吳壽禎妻  
孝姑教子

郭氏

黃儼若妻  
繼子成進士

李氏

生員李元魁女  
聘楊氏子未婚守節

步氏

吳斗南妻  
守終知縣穆明遠旌

馬氏

生員廉應豸妻  
守節兩子遊泮旌表

桂氏

王應節妻

常氏

武舉杜汝梅妻  
孝親教子縣旌

蕭氏

武士彥妻  
歷兵荒撫孤知縣馮續京旌

李氏

魏縣郭名妻  
孝事舅姑弘治間旌

馮氏

廩生劉佑妻  
守節孤成進士正德間旌

李氏

劉綵妻  
撫孤成立旌表

馬氏

庠生申達妻  
紡績事姑教子領鄉薦旌表

王氏

馮經妻  
無子依母守節旌

張氏

玉懷仁妻  
家貧奉親育子嘉靖中旌

李氏

趙廷璧妻  
年少姑憐欲嫁絕粒死旌

袁氏

張登妻  
孝姑子殤自縊知縣楊廷選旌

王氏

馬文冕妻  
嫁女畢自縊縣旌

崔氏

張魯妻  
未婚魯戍邊欲與俱不得飲毒死

張氏

霍玥妻  
撫子衍如綫之脉三世孀居

劉氏

李氏

曹氏

庠生耿思惠妻以雙  
卒知縣李旌

尹氏

廩生申舉妻與媳  
劉氏雙節旌表

劉氏

申伯  
可妻

趙氏

義官張巨妻孝事病姑懼姑有食積以被褻  
姑與婦女輩背負搖之又教子縣李旌

張氏

吏員吳騰霄妻  
依母苦節縣旌

馬氏

申白勉  
祖母

王氏

申自  
勉妻

王氏

房昆妻勤於女紅  
甘苦勵節以自守

賈氏

生員劉燦妻  
無子孝姑

張氏

生員陳道妻  
無子孝舅姑

郭氏

劉樊陳妻無子  
食貧事親盡孝

曹氏

劉應企妻無子守  
節著縣饒孚旌

段氏

曹珏妻無子苦  
節署縣饒孚旌

潘氏

袁禮妻撫  
女守節

秦氏

郭弘  
祖母

馮氏

郭弘  
母

周氏

郭弘妻三世孀  
居同心一德

劉氏

郭吉妻與姊  
宋氏雙節

宋氏

郭繼妻撫  
弱子成立

沈氏

魏志妻孝舅  
姑守遺腹

史氏

籍彪妻紡織  
教子官通月

王氏

連世  
戚妻

常氏

王  
妻

尚氏

韓岩  
妻

郭氏

宋欽妻守遺  
腹甘貧苦

劉氏

王果妻孝姑撫  
子知縣陸東旌

王氏

張果妻守遺腹  
官至學博縣旌

李氏

王代  
賢妻

邵氏

劉崇妻  
旌表

姜氏

王進妻守遺腹  
資紡績縣旌

王氏

郭東  
母

楊氏

郭東  
妻

李氏

劉永寧妻親老  
家貧教子殖業

袁氏

申白守妻事  
衰觀撫寡媳

陳氏

中邦緜妻守志  
字孤孝養孀姥

朱氏

申卿妻孝  
姑育子

李氏

謝章  
妻

王氏

蓄智妻守遺  
腹甘貧苦

馮氏

韓學妻

姜氏

劉齊妻

滑氏

申相妻

常氏

王清妻

李氏

孫樞妻孝繼姑教幼子

王氏

薛洲妻

郭氏

石天顏妻

王氏

劉體道妻

馬氏

董松妻守節周子良亦甚孝

鄭氏

庠生段成功妻孝親教子

常氏

苗宗仁妻

栗氏

王世高妻

楊氏

王秀妻甘貧守節

李氏

楊萬才妻撫孤子成立

周氏

廩生張懇妻無子孝親

李氏

薛輓妻事姑鞠子

王氏

李應魁妻

申氏

朱雷妻

王氏

薛周妻

關氏

庠生薛霖妻知縣陳植

侯氏

生員李啟運妻無依苦節縣背廩粟

徐氏

張國化妻遺旌建坊

牛氏

廩生王時雍妻孝親教子入庠縣旌

梁氏

徐耕妻知縣宋樂旌

齊氏

南樂袁義妻洪武十七年旌

岳氏

馮彥芳妻永樂七年旌

田氏

生員魏廣允妻

王氏

周允昌妻夫故絕粒七日而死

鼂氏

生員李諷妻教子入泮

王氏

胡四知妻四知死氏殉夫自縊於柩側

李氏

張臣妻

李氏

石汝爲妻

王氏

生員馮籌妻

張氏

端暹妻與子婦李氏雙節

李氏

端引年妻

高氏

趙堂母守節壽踰百歲

武氏

許字生員李括貧不能娶死氏自縊

孟氏

生員王勉亮妻撫孤御史旌表歲賜粟帛

羅氏

魏靖妾

楊氏

魏靖妾

尹氏

郭待言妻撫孤守節按使至咸旌之

王氏

李士荷妻與弟王氏共勵苦節孝事舅姑

王氏

李士昌妻

徐氏

監生馬三牧妻撫三孤成立有司旌

趙氏

生員馬三鰲妻無子備歷艱苦

丁氏

魯府典儀李染妻與妾柴氏同節

柴氏

李染妾

楊氏

端確妻

端氏

李之瑜妻與娣席氏同節巡按旌

席氏

李之璋妻訓子成名

夏氏

清豐蒲矩妻孝親教子旌表

張氏

王俊妻孝事舅姑

王氏

趙宗妻孝親撫子

劉氏

魏景芳妻殉夫自縊引治開旌

朱氏

張良玉妻嘉靖間旌

韓氏

義官李澤妻孝親教子

賈氏

韓泰妻孝親教子

王氏

武傑妻

耿氏

宋守宅繼妻殉夫自縊

楊氏

廩生朱憲武妻無子訓姪成進士勅旌

許氏

王宗周妻

傅氏

康生張養蒙妻撫養遺腹入洋

呂氏

席學亮妻守子成立

朱氏

韓進選妻遭家多難守節彌勵天啟間旌

呂氏

裴學珀妻孝親撫繼知縣顧師魯旌

侯氏

生員傅好問妻孝姑竭力教子遊庠旌表

宋氏

陳嘉祥妻守子成立巡按旌

朱氏

韓進美妻孝姑教子

劉氏

李邦典妻

黃氏

裴學德妻孝事舅姑

楊氏

閻子藥妻子身守子

孫氏

魯邦曾妻

毛氏

張奇策妻

張氏

監生傅作鹽妻

劉氏

權居奇妻

呂氏

杜若愚妻孝舅姑字三月子

唐氏

內黃宋仁禮妻孝姑教子撫姪旌

秦氏

尹士名妻孝親撫子天順間旌

閔氏

李興妻乞資葬夫孝姑教子

梁氏

傅海妻教子成立勅旌

李氏 廩生黃綸妻  
教子成立

范氏 行人司正李能  
繼妻撫子育孫

黃氏 訓導張九江妻  
封股愈姑疾

游氏 生員李貴復妻知  
縣黃克念給匾旌

桑氏 生員王鳳翼妻教  
子舉孝廉旌表

李氏 賈遇光妻殉  
夫自縊旌表

劉氏 王安妻受逼不嫁  
瘡疾氏不避腥穢浣滌  
不數日愈縣給匾旌

楊氏 李子經妻家  
貧孝姑教子

李氏 郭振妻赤貧守  
子知縣給匾旌

張氏 李鳴時妻孝姑教  
子道府給匾旌

李氏 王臻妻育遺腹  
孝舅姑有司旌

盧氏 路守庫妻  
封股愈姑

石氏 黃成妻子孫俱  
卒備嘗荼苦

張氏 廩生黃金妻  
夫死殉節

秦氏 庠生王  
家相妻

張氏 王鸞鳴妻  
甘貧守節

張氏 監生黃源妻  
教子成立

鄭氏 杜維妻赤貧孝  
姑教子成立

陳氏 生員馮  
邦才妻



王氏

張三陽妻紡績養親撫按旌

齊氏

濬縣郭彥敬妻遭遇飢荒備嘗艱苦

李氏

劉進興妻元末盜起重氏行不敢犯

王氏

路遠妻孝姑撫子

王氏

邢琦妻路達妻之妹

李氏

鄒青妻甘貧守孤

栗氏

劉贊妻家貧守子

丁氏

王朋妻女紅自給撫育遺孤子孫婦同節

劉氏

李氏

耿氏

張泮妻艱難避寇母子獲全

秦氏

郭維聰妻與子婦孫婦一門三節

康氏

郭胤妻

秦氏

郭文孝妻

王氏

孫滌妻

張氏

李維禎妻禎死氏哭泣嘔血卒旌表

賈氏

生員艾元嗣妻孝姑教子

張氏

趙得珍妻斷髮絕嫌守子成立

王氏

孟希增妻孝親教子知縣給匾

田氏

生員李應時妻竭力營葬翁姑父母四喪

張氏

監生王京妻  
教子成名

張氏

監生蔡  
鍵妻

李氏

武生劉可則  
妻苦節高年

傅氏

李廷  
選妻

盧氏

貧家女嫁許氏舅  
病割股進旌表

秦氏

耿天  
顯妻

劉氏

生員盧  
啟明妻

馬氏

舉人王  
良燦妻

高氏

楊強  
妻

鄒氏

庠生李  
紹祖妻

申氏

張思恭妻  
貧苦守孤

單氏

王光大妻  
教子成名

李氏

崔尚賓妻截髮入  
棺矢盟同穴旌表

王氏

程至善  
妻旌表

孟氏

李惟機妻  
清貧勵節

楊氏

焦氏

滑縣李黨兒  
妻殉夫自縊

王氏

生員陳讓妻孝  
親教子旌表

盧氏

李岳妻殉  
夫自縊

朱氏

生員王錡妻  
孝親教子

王氏

生員劉良臣妻夫沒欲殉不得自縊

周氏

武祿妻清苦守節旌表

王氏

張乘衷妻守晬周子成立

白氏

王尚義妻殉夫自縊

孟氏

生員劉凱妻紡織教子

孫氏

劉富妻紡織教子旌表

胡氏

生員豐爾功妻夫亡守節旌表

朱氏

生員耿廷對妻

王氏

陳讀妻訓子成名巡按旌

周氏

儒童李雲鳳妻孝姑教子巡按旌

趙氏

周汝翼妻訓子成名旌表

康氏

生員耿泰運妻孝老姑撫孤姪巡按旌

倪氏

周尚惠妻矢志殉夫先時自縊

毛氏

王建中妻娠遺腹生女且死自縊巡按旌

李氏

東明楊舟妻殉夫自縊嘉靖中旌

彭氏

劉仁妻孝事舅姑撫卹弱子嘉靖間旌

朱氏

生員楊逢春妻殉夫自縊隆慶初旌

李氏

鄭國妻孝姑教子萬歷初旌

胡氏

生員牛化蛟妻殉夫自縊縣旌

吳氏

孝廉楊光休妻教子成名知縣常澄旌

劉氏

郭汝英妻殯葬翁姑恩勸教子旌

張氏

武守仁妻教子成立

盧氏

李先妻無子孝事兩姑

趙氏

生員袁方誨妻與婦張氏同節撫育弱孫

張氏

王氏

李濯妻孝事孀姑

陳氏

廩生李之體妻孝姑教子

張氏

李鯨未婚室毀顏勵節孝事舅姑旌表

朱氏

生員景星焯繼妻撫前子以慈

劉氏

廩生溫大誥妻無子女孝舅姑

王氏

楊震裔妻長垣王永光女孝姑撫嗣

衛氏

魏光啟妻孝事舅姑

劉氏

景之奇妻教子有力

張氏

景之美妻無子苦節

魏氏

石維馨妻紡績奉舅姑撫弱子

王氏

郝翼妻

鄭氏

贈孺人少保石星妻少保廷杖傳聞斃於杖下孺人碎首死

成氏

監生劉謙妻孝繼姑教子

邵氏

張杞妻撫孤持家備歷艱苦

劉氏

辛剛克妻  
孝親教子

盧氏

生員景際可  
妻孝親教子

張氏

王爾錫妻  
孝親教子

劉氏

開州王莊兒妻夫  
溺死無子苦節旌

楊氏

劉允貞妻克盡婦  
道教子成名旌表

陳氏

張慶妻  
自縊

劉氏

馬載圖妻  
自縊旌表

梁氏

許字李東  
周自縊

劉氏

生員王繼  
芳妻自縊

李氏

許字楊國  
仲自縊

常氏

孫公愚妻飲泣育  
孤得成進士旌表

袁氏

張包蒙妻姑老子幼  
中遭陵轢子登鄉薦

常氏

生員王組妻守遺  
腹知州湯希閔旌

張氏

王鋤妻鋤故氏以哀  
死知州張中鴻旌

張氏

程世卿妻備嘗  
艱苦訓子成立

郭氏

生員雷  
化普妻

湯氏

郭繼先妻聞  
媒至自縊

趙氏

王世祿妻  
孝姑教子

傅氏

王萬年妻孝親  
撫子奉詔旌表

侯氏

監生劉楷妻孝孀姑  
撫繼子壽登九秩旌

袁氏

生員史鳴世繼妻  
孝事祖姑巡按旌

歐氏

兵馬指揮馬玉衡妾  
恐青年逼嫁遂自縊

王氏

楊克敬妻育遺腹嘗艱苦旌表

孟氏

盧楓妻紡績事舅姑  
撫子育孫天啟間旌

王氏

張慎言妻撫孤成立子孫昌大旌表

陳氏

生員郭安畿妻刺目  
絕媒課子成立旌表

牛氏

楊洪大妻

任氏

王案妻

傅氏

長垣郭得魯妻紡績為生永樂中旌

石氏

田廣妻孝親教子旌表

王氏

蕭鳳妻有司旌

王氏

傅保妻撫孤有成弘治五年旌

宗氏

李鑛妻矢志守節弘治五年旌

李氏

王商之繼妻孝舅慈前子

許氏

監生胡銘妻無子守節其侍女顧氏與同甘苦人以爲許氏至性所感云

張氏

趙勅妻勅沒氏自經概側

王氏

生員唐詩妻詩歿自縊

邵氏

邵王妻家貧孝姑子官御史封太孺人

張氏

李繼古妻子官兵部侍郎封太淑人

李氏

生員孟堯妻孝姑  
爲人補綴以贍給

趙氏

王瑞妻無  
子孝親

尚氏

李謚妻孝  
事老姑

李氏

王堂妻夫亡子  
死誓死不變

李氏

張齊妻殉  
夫自縊

王氏

李增妻殉  
夫自縊

張氏

黃悚妻殉  
夫自縊

張氏

黃階妻誓  
守幼子

麻氏

李憲繼妻受族人陵逼而  
節愈厲撫前妻子如已出

麻氏

舉人于慶妻以遺  
腹子天絕粒而死

陳氏

生員王良知  
妻孝姑撫子

崔氏

郜和鳳妻和鳳死  
氏痛哭嘔血卒

李氏

生員陳應瑞妻與媳  
成氏同守節巡按旌

成氏

生員陳  
以欽妻

陳氏

于占鰲妻  
無子孝親

陳氏

李炊妻與婦孫氏  
同守節巡按旌之

孫氏

廩生李  
懸成妻

王氏

監生成其功妻永  
光女殉夫自縊

陳氏

馬化龍妻教  
遺腹遊庠生

周氏

盧五合妻災荒艱苦孝姑訓子旌表

王氏

張洪德妻殉夫自縊

侯氏

儒生趙欽歷妻守孤全貞

許氏

王用誥妻

侯氏

生員李啓運妻無子無田縣給廩食

徐氏

張國化妻教遺腹子遊庠序

成氏

太學生劉謙妻年止十四孝事繼姑

殷氏

李印璋妻甘貧守節旌表

崔氏

廩生王錚妻孝親教子分產不受旌

嚴氏

史嘉善妻守子全貞

杜氏

生員崔巖妻教遺腹子遊庠序

李氏

生員崔寵妻守子完操

蔡氏

生員柴廷獻妻絕食而死

張氏

生員陳孟斗妻

夏氏

孝廉成其業妻孝姑撫弱子歷兵荒

趙氏

生員成夢震妻孝姑教子

張氏

知州成宰繼妻守幼子

李氏

舉人成少龍妻夫亡子天絕粒以終

高氏

生員靳泰運妻遭亂離保孤子

王氏

指揮同知李不盈妻守孤成立



孫氏

官生王錫妻  
撫子成立

許氏

李崇敬妻家貧  
孝養誓死不變

張氏

生員成  
夢斗妻

邵氏

單克緒母不  
為賊污被殺

李氏

生員靳於朴妻竭力持守  
家業教子克繼書香旌表

國朝陳氏

大名成克弘妻教二  
子一拔貢一舉人

王氏

生員竇之夔  
妻撫子入學

趙氏

生員劉璋妻  
撫子入學

董氏

生員李毓深妻拮  
据養姑教子入學

李氏

彭一選妻撫  
二子俱成立

孟氏

崔應科妻撫育子  
女冰蘗自勵旌表

陳氏

朱允昌妻  
教子成立

史氏

生員趙  
汝為妻

李氏

趙珍  
妻

郭氏

劉貴  
妻

張氏

趙珞  
妻

李氏

閻加  
梅妻

趙氏

張昭妻  
旌表

王氏 韓文奇妻

張氏 監生豆玠妻撫孤子

徐氏 周官妻未婚絕粒死知縣吳秉權旌

臧氏 陳自新妻教子入學

趙氏 王永福妻撫養嗣子

鑑氏 趙俊秀妻撫養遺腹孝事舅姑

黃氏 李永盛妻孝事姑璋

黃氏 任恭妻孝以事姑

高氏 王俊妻

汪氏 王業妻撫養繼子

孟氏 吏員張穎妻事舅姑生死盡禮

楊氏 生員傅如震妻孝舅姑撫幼子

丹氏 楊大紀妻孝舅姑撫繼子設學振濟

王氏 安佐妻孝舅姑

曹氏 張進道妻家貧守志孝養舅姑

鮑氏 潘哲妻苦節事翁姑

于氏 劉登科妻

程氏 劉登科妾

鮑氏 廩生喬紫誥妻

魏氏 王之翰妻孝事舅姑

王氏

黃日妻孝親教子一列庠序

張氏

監生邢六奇妻孝姑訓子以上皆旌表

董氏

庠生李正憲妻與婦趙氏同守苦節孫入庠序學院旌一門雙節

趙氏

儒童李容妻

劉氏

元城孫養成妻守側室子苦節壽終

王氏

庠生廉起龍妻貧苦守節

郭氏

李從善妻知縣謝述度旌

閻氏

王鐸妻孝親教子旌

陳氏

庠生武家振妻孝親撫子

王氏

運妻無子女事翁姑以孝聞

李氏

楊含輝妻撫子成立

朱氏

陳智妻與婦張氏雙節

張氏

陳如田繼妻孝姑撫子

黃氏

趙文燦妻

趙氏

庠生郭重振妻以上七人知縣陳偉旌

趙氏

生員李紹妻

申氏

王秦妻

王氏

馮經妻

邵氏

楊兜妻

賈氏

楊文妻

馬氏

楊繼祖妻

冀氏

楊孟儒妻

李氏

冀廷勳妻  
孝親教子

鄭節婦

夫亡姑欲嫁之投祝釐禪院  
井中死黃儀有鄭節婦歌

宗氏

張彘妻孝病  
姑撫繼子

常氏

宗日景妻無  
子孝姑旌表

劉氏

武坦妻孝舅撫繼  
子入庠序學院旌

張氏

陳度妻教繼子  
官訓導旌表

竇氏

監生錢執中妻  
葬姑撫妾旌表

馬氏

張爾助妻孝  
姑撫子旌表

陳氏

監生張士鏜妻  
貧苦撫子旌表

高氏

魏充妻清貧守  
節孝親教子

高氏

監生虞濟妻依  
伯姑撫幼子

張氏

李鉉妻貧苦守  
節孝親教子

推氏

楊玉妻赤  
貧撫子

馬氏

監生呂韻妻  
孝親教子

王氏

陳朝虞妻孝病姑撫寡媳氏後雙替其媳事  
之甚謹紡織度日惜乎姓氏不傳故附於此

楊氏

陳家志妻孝親教子以上七人旌表

周氏

子登雲妻孝親教子

張氏

冀升妻極貧守節孝事舅姑

趙氏

郭良圖妻無子孝事老親

楊氏

監生張循妻奉病姑撫寡媳旌表

常氏

邵克岩妻孝親教子

張氏

王貴賢妻無子奉舅撫字幼叔

楊氏

陶立言妻孝親教子

程氏

生員錢含芬妾旌表

成氏

生員蔣蘿妻孝姑教子旌

楊氏

監生馬璉妻孝親教子旌

王氏

任超妻孝舅姑撫遺腹

房氏

武生苗維馨妻孝舅姑撫嗣孫

趙氏

曹純仁妻孝親教子

馬氏

宗之棋妻孝事祖姑

王氏

錢含苞妻孝於舅姑教子入學

劉氏

唐紹寬妻孝舅姑撫繼子

李氏

劉玉美妻孝親教子

張氏

步光祖妻孝舅姑

王氏

王子綸妻孝子事親

沙氏

馬大儒妻無子孝事舅姑

閆氏

王氏

劉鶴徵妻孝親撫繼子

曹氏

呂遇侯妻孝事舅姑

張氏

童生黃錡妻孝舅姑撫叔成室家相處融融如一日

申氏

魏縣陳之陞妻無子女甘貧苦

任氏

田世考繼妻事舅姑孝撫前妻子燕

張氏

生員栗懋言妻守遺腹族人圖其產逼之嫁氏志不為奪知縣李尚斌旌

陳氏

張汝教妻孝事孀姑歷嘗艱苦

劉氏

張汝教妾

牛氏

申綽妻訓子成立

成氏

生員陳璜修妻文穆公女

任氏

高九岩繼妻岩從廬象昇勦寇陣亡氏撫前妻子甘守

張氏

生員牛希古妻孝繼姑教幼子

李氏

劉萬齡妻孝事舅姑縣旌

侯氏

聶存仁妻遭兵荒而孝事舅姑稱未亡而撫卹弱子

鄭氏 張企繹妻 企繹爲閩兵所執 索財無應 遇寇氏子 身依母爲母營葬 節孝兼備

牛氏 張魁妻 隣有惡少 劉筠夜往 姦之不從 自縊死

張氏 庠生房攸芋妻 無子 力耘墓田糊口 朱氏 庠生劉祖述妻 翁

張氏 生員崔定麟妻 本縣給匾 李氏 王科妻 媳高孫媳 裴妾 張一門四節

高氏 王作仕妻 裴氏 王九錫妻

張氏 王九錫妾 韓氏 崔愛妻 守節孝姑

朱氏 魏際亨妻 知縣蔣芾旌 趙氏 李文光妻

張氏 劉典妻 事繼姑 孝病舅 撫伯叔子 茹藥飲冰 竭盡心力

皇甫氏 李九華妻 杜氏 庠生麻克繩妻

李氏 張爾謙妻 勸舅 納妾 撫叔成人 徐氏 郭毓妻 族人鬪產 通姦 氏分產完操

楊氏

生員王章妻  
孝姑撫子

劉氏

白士貞妻  
知縣馬襄旌

王氏

馮勤妻

常氏

馮如妻  
意妻

丁氏

馮元妻

遂氏

薛孫繩妻

崔氏

貢生劉洛華妻

申氏

王氏

連氏

生員樊五倫妻

喬氏

生員劉源泓妻  
孝親教子雍正間旌

連氏

郭嗣儀妻  
孝事病姑二十餘年旌表

李氏

王振華妻  
孝舅姑撫幼子備嘗艱苦

皇甫氏

王佩妻  
孝事嚴姑經營盡力

王氏

王克廣妻  
孝針指孝舅姑

郭氏

劉從偉妻  
孝姑和眾

王氏

生員徐筠妻

趙氏

徐純妻  
姑老幼備極艱苦

魏氏

張其正妻  
孝姑撫子

張氏

生員李作模妻



高氏 邢昭妻

陳氏 劉芳將妻事  
三姑以孝

顏氏 劉廷蘭妻  
訓子遊庠

錢氏 張濟繼室  
教子有方

馬氏 張煥妻

許氏 監生張立基妻從  
姑守節盡心孝養

史氏 沔縣知縣韓法祖  
繼妻慈庶子旌

郭氏 李宏模妻無  
子孝姑撫叔

張氏 解俊妻孝  
親教子旌

李氏 崔杞妻事  
姑教子旌

苗氏 崔鎰妻事衰  
姑撫繼子旌

李氏 仇國祚妻年二十餘  
夫亡無子與一婢居

邢氏 南樂魏廣循妻與  
媳岳氏雙節旌表

岳氏

宋氏 孝廉魏緘妻殉  
之難氏勵節訓子成名

谷氏 魏體仁母孀居  
孤苦守子成立

趙氏 廩生宋文燦  
撫孤成立

張氏 魏之祥妻殉  
牛難氏冰雪自矢

王氏

梁氏

魏公遇妻公遇  
辛氏不食死

李氏

守備魏鎬妻鎬死王  
事氏撫幼女親力作

姚氏

李綸妻綸死寇難  
氏流離教子壽終

李氏

胡玫妻孝  
姑教子

李氏

張曠妻姑奪其志  
氏不從撫孤成立

魏氏

常嘉賀妻撫六月子  
翁姑不能奪其志

魏氏

閻玉麟妻  
撫繼養親

杜氏

監生孟  
一召妻

席氏

生員卞毓英  
妻無子苦節

封氏

卞毓瑋妻  
撫孤守節

李氏

王柳妻教  
子成進士

李氏

王光前妻  
教子成立

仇氏

馬雷妻撫  
幼子成立

艾氏

武生王贊化妻孝  
事大舅鄉族共稱

席氏

生員周清妻無  
子女堅志守節

李氏

廩生周琮妻  
繼子承祀

魏氏

問遵古妻  
守彌月子

魏氏

義士端木元會妻元  
會陣亡氏守幼子

齊氏

生員閻可興妻與  
妾朱俱無子同節

朱氏

閻可  
興妾

王氏

梁國瑞妻孝舅姑撫幼子

王氏

生員端木爲棟妻守幼子課耕讀

王氏

端木元吉妻勤力紡績立姪孫爲嗣

李氏

王鳳彩妻完姻五月鳳彩死守志靡佞旌

魏氏

宋浩妻事舅姑以孝

張氏

王道成妻夫征十寇死舅姑欲嫁之不從

梁氏

趙起垣妻

王氏

武解元魏若淇妻

王氏

生員李若璋妻教子有方

杜氏

李偕行妻偕行沒氏不食死

王氏

蘇良德妻殉夫自縊

王氏

宋珍妻殉夫自縊

梁氏

李曜妻殉夫自縊

宋氏

馮麻妻殉夫自縊

高氏

李永銓孝事舅姑旌

吳氏

李激揚妻孝姑撫女

崔氏

常豫妻教子起家

江氏

清江知縣常毓秀妻慈以教子

郭氏

尚寶寺丞魏昭妻昭殉子亦被虜氏孤苦一生艱難備歷壬午之難

馮氏

杜作霖妻家無  
生陸孝親撫孤

王氏

焦進孝妻守孤  
孝親本縣給匾

黃氏

程可林妻知  
縣齊更生旌

谷氏

石印母慈愛  
善教縣旌

黃氏

生賈楊湛然妻遭  
兵亂流離苦節

楊氏

生員馮鹿萃妻  
壬午之難守節  
子殉

魏氏

生員馮鹿蒿妻  
氏與如楊同孝翁  
姑繼孫爲嗣

劉氏

馮家俊妻  
無子苦節

李氏

王克凝妻凝週  
變氏守節孝親

劉氏

生員孫光印妻  
孝親教子縣旌

王氏

趙醇母仰事俯  
育各盡其道

吳氏

蘇俊榮妻  
孤苦守節

閻氏

魏傳笏妻笏沒  
氏絕粒而死

董氏

生員魏揚烈妻  
無子以毀卒

谷氏

席閻妻壬午城  
破闈不知所終  
氏守節

孔氏

生員宋  
潤生妻

李氏

王玉妻  
縣旌

谷氏

孟喬妻孝  
親撫子

趙氏

段鵬妻家貧  
孝事舅姑

高氏 武元曾妻

樊氏 張正心妻

閻氏 李挺生妻 孝親撫子

王氏 魏大梁妻 善事嚴姑

姜氏 劉桐妻

王氏 閻訪妻

王氏 谷登妻 無子守節旌

鞏氏 張令聲妻 無依教子

劉氏 段三畧妻 旌

谷氏 廩生武其秀妻 事親教子旌表

運氏 萬應旌妻 孝舅姑撫弱子

常氏 邢相妻

賈氏 馮有倉妻 孝親撫子旌表

李氏 生員段哲妻 孝親撫子旌

張氏 韓起元繼妻 慈撫前子旌

李氏 趙純妻 甘貧守節

梁氏 李忻妻 與子婦王氏同節

王氏

閻氏 生員關成章妻 守弱子成立

郭氏 牛暉妻 與媳田氏苦節

田氏

梁氏

牛錦雯妻撫姪  
承桃體卹備至

周氏

楊標妻夫族無  
人苦依貧母

牛氏

宋思仁妻孝事  
太姑撫子入學

趙氏

孫卓羣妻善事  
嚴姑能得歡心

黃氏

李文燦妻不畏  
饑寒女紅勞瘁

趙氏

張起  
業妻

魏氏

馮朴  
妻

李氏

董永  
錫妻

董氏

韓功妻撫  
叔育孤

端木氏

李容端妻  
撫子承祀

呂氏

端木  
燦妻

邢氏

魏宗  
固妻

施氏

吳焯  
妻

藥氏

魏怒妻勞瘁自  
甘至替其目

楊氏

周廷貴妻  
撫子入泮

馮氏

劉承智妻撫遺腹  
與媳賈氏同節

賈氏

席氏

任克  
濬妻

劉氏

蘇省  
身妻

李氏

田圭田妻無子  
依母紡績自贍

唐氏

武進美妻  
孝姑旌表

賴氏

張闇然妻孝  
病舅育小姑

楊氏

趙槃妻守彌月子  
事舅姑以孝聞

潘氏

楊運妻

杜氏

生員魏  
光耀妻

徐氏

邢文龍妻

李氏

陳承召妻  
無子守節

梁氏

魏均妻無子女  
孝舅姑甘貧苦

董氏

趙應辰妻  
孤苦守節

范氏

秦允文妻貧苦孝  
親撫遺腹成立

閻氏

席廷文妻  
孝姑教子

王氏

李延年妻孝孀姑撫弱子與  
子媳劉氏苦守一門三節

王氏

寶明倫妻

陳氏

張順妻

張氏

李國璉妻  
孤苦完操

李氏

孫克勤妻

李氏

宋天奎妻逼嫁不從自縊  
得救復甦撫孤守節終身

張氏

梁庭坤妻

馬氏

梁克岐妻

梁氏

袁珍妻孝事舅姑清貧堅志

孫氏

王克基妻艱苦自甘

張氏

無子孝親

賈氏

王仲妻子幼家貧翁姑年老先意承志

吳氏

馬宏猷妻

李氏

馬宏學妻

朱氏

林俊妻

李氏

張福然妻

吳氏

監生劉宏基妻撫子全貞

李氏

韜妻奉養孀姑壽至九十餘

王氏

張英才妻困苦萬端撫子成立

王氏

魏垣妻

劉氏

閻惟翰妻孝姑慈繼

胡氏

張沐生妻

張氏

路登雲妻家貧苦志本縣給匾

王氏

邊珍妻

范氏

邊四馬妻孝事老姑

孟氏

劉九成妻



謝氏

高玉  
柱妻

趙氏

劉本  
源妻

李氏

張瑞  
妻

何氏

生員王  
秉鈞妻

邵氏

呂登仕妻登死子亦天蕩瘞之野旣而復生  
李其收養後十年母子相認完聚本縣表宅

王氏

王景  
桂妻

李氏

馬成  
驍妻

萬氏

卞昂之妻教遺腹  
子入泮學憲旌之

李氏

崔化  
龍妻

林氏

張成  
器妻

宗氏

張氏婦姑  
病刲股

白氏

清豐江寧同知馮瑞繼妻  
流賊掠之不屈死巡按旌

王氏

侶鸞舉妻  
孝親篤摯

岳氏

汪辰愚妻甘忍  
饑寒孤苦勵節

曼氏

田登瀛妻歷兵  
荒苦節教子

王氏

生員杜驍妻  
甘苦自矢

唐氏

儒士王  
楠妻

張氏

生員傅  
爾晟妻

列女

袁氏

拔貢岳貢瑞妻孝姑教子

楊氏

李士極妻貧竇堅貞

馮氏

岳貢璩妻孝慈克盡

李氏

張一魁妻一魁子午殉難氏尋屍禮葬

劉氏

生負曹景濟妻濟殉王午難氏守節

武氏

李士昌妻撫姪承祧

郭氏

魯子登妻孝親教子

王氏

程世好妻孝毫姑撫幼子

范氏

張世儒妻無子孝親

丁氏

生員彭穎母穎死撫孫壽終

李氏

任遐宗妻紡織盡孝

侯氏

監生呂庚母事姑教子以孝以慈

孫氏

趙杲妻

潘氏

生員劉養元母

馮氏

張柱繼妻本縣給匾

王氏

李文元妻脫簪珥營葬翁姑夫三喪並舉

邵氏

靳文燦母

梁氏

李自縊妻殉

胡氏

谷某妻谷外出氏被姦不從爲強暴所殺在表

李氏

名存姐李隨蘭女惡少董文求合氏不從文擊死之奉勅旌表

吳氏

李楷妻孝事舅姑

師氏

王林妻與子婦任氏同節

任氏

王汝礪妻孝事孀姑

侶氏

陳喜全妻

靳氏

生員庫豐母孝親教子

趙氏

炕全宿妻

唐氏

生員鄭雙妻

王氏

生員李臯鶴妻

李氏

郭維詳妻

郭氏

李樞妻

程氏

李長家妻

魏氏

侶鐸妻孝事翁姑存沒盡禮

張氏

馬國望妻

邵氏

馬三仕妻與姑張氏同守苦節

符氏

邵琇妻勤苦孝親蓄資營葬竟夫未竟之志

尚氏

生員李文在妻撫孺成立

林氏

程冲起妻教子有方

孫氏

張世榮妻撫子成人子孫蕃衍

尤氏

監生張詩妻無子奉舅姑惟謹

高氏

幼字盧氏未婚而盧氏子死氏年甫十二卽能知大義守節奉姑

靳氏

師某妻

張氏

內黃王獻璽妻苦節孝姑

董氏

義士劉焜妻焜死寇難氏匿姑他所得免守節奉姑縣張沐取焜姪爲嗣且祭其墓

侯氏

葛守冬妻當明季末寇賊充斥氏隨夫避亂姑與夫皆死寧陵氏徒步負骨歸葬

李氏

生員來知幾妻孝親教子旌表

程氏

王印狀妻狀被虜氏保子於荒亂之中

張氏

王印禹妻撫孤成立旌

張氏

崔承年妻逼嫁不從委曲護子

張氏

儒士黃名士妾遭家多難又值兵荒守子成人壽逾九十

畢氏

黃本容妻窮苦孝姑

黃氏

張肯護妻

王氏

趙賢妻守貞教子

張氏

趙民服妻民服死於寇氏困苦保子

李氏

趙民服妾

樊氏

張虞翼妻  
孤苦守節

文氏

李躍龍妻  
躍龍貧苦外出不知所終  
氏教子成家旌表

李氏

王煜妻

趙氏

張其質妻  
教繼子遊庠縣旌

陳氏

生員黃本妻

白氏

貢生馬景繼妻

張氏

馬德適妻

董氏

生員黃本身妻

馬氏

生員黃之律妻

李氏

黃之鎔妻

楊氏

連國漢妻  
割股愈姑

王氏

高九極妻  
教子遊庠

栗氏

李平世妻  
割股膠舅

牛氏

柴助生妻

張氏

王造妻  
孝事癱翁慇懃課子

汪氏

生員董鶴齡妻

張氏

王顯輝妻

黃氏

生員張璉妻

董氏

生員王玉書妻撫姪與娣王氏雙節

王氏

王嗣謀妻玉書弟婦

李氏

張大霖妻孝親教子

賈氏

劉之珠妻

劉氏

楊佺妻

管氏

鄭珠妻恪盡婦道俯仰無忝

王氏

生員楊慎度妻孝親教子年登九十

康氏

賈進道妻孝事兩世

孟氏

劉茂業妻

楊氏

李廣美妻貧苦能孝

李氏

劉聰妻

王氏

劉存仁妻

張氏

王夢龍妻

黃氏

張法仲妻飲鹵殉夫

宋氏

宋天貴妻紡織孝親

王氏

張啟馨妻孝事舅姑撫養幼叔

楊氏

王良孝妻

王氏

賈莪珍妻

董氏

張克忠妻

邵氏

趙廷梅妻

李氏

崔玉柱妻孝親撫  
子兵備趙國麟旌

王氏

李若梅妻學院  
吳襄給匾旌

張氏

劉智品繼妻守  
遺腹子事耄翁

王氏

生員馬鐘  
妻縣旌

李氏

主員劉琳妻  
孝事繼姑

李氏

劉琦  
妻

孟氏

劉生會妻撫  
遺腹甘貧苦

程氏

邢中權妻  
孝慈無忝

于氏

馬從水妻  
無子苦節

劉氏

邢儉妻聞議婚割面  
以免知縣李貞旌

許氏

柴作舟妻  
訓子遊泮

王氏

生員黃升任妻辛  
苦備嘗孝親教子

張氏

廩生黃廷任  
妻訓子入泮

王氏

劉曦妻姒  
娣雙節

李氏

廩生劉  
曙妻

趙氏

焦炳妻守子  
苦節縣旌

聶氏

李英俊妻  
孝親教子

王氏

馬兆  
徵妻

籍氏

生員胡  
國遇妻

馮氏

孫榮祖妻  
本縣給匾

宋氏

陳複 証妻

董氏

生員魏 天命妻

王氏

胡真 美妻

蘭氏

監生王培珍 妻孤苦孝親

楊氏

張存公妻 醫指 絕媒孝姑教子

馬氏

安九級妻 孝姑教子

許氏

濬縣盧元亨妻 割 癩愈舅有司旌表

牛氏

饒之 鳳妻

尹氏

生員王元勳妻 孝 親教子順治間旌

楊氏

生員劉承寵妻 教子成立旌表

傅氏

邢同 倫妻

饒氏

傳敬賓妻 巡按 旌仍給粟帛

赫氏

生員周誠和 妻教子成名

謝氏

廣文馬騰龍妻 遭 亂撫孤備極艱苦

盧氏

陳論妻 巡按旌

劉氏

南瑞道周體觀繼室 嚮產搬喪殷勤教子

劉氏

張國隆妻 孝親教子

池氏

李垂雲妻 孝親教子

韓氏

馬毓德妻 無子孝姑

劉氏

盧澤溥妻 善事病親



高氏

李玉珊妻  
隻身苦節

李氏

田大年妻  
丐錢殮夫  
紡織事育子成進士

張氏

邢士龍妻  
孝親教子

孫氏

馬呈斗妻  
事親能孝

周氏

劉廷諫妻  
織紵齊親

王氏

馬可騰妻

王氏

劉允升妻  
夫死嶺南迎柩歸葬

吳氏

王廷英妻  
紡織苦節

王氏

李秉素妻  
子四月舅八旬孝慈苦節

申氏

劉大喜妻  
家貧姑病勤苦撫孤

申氏

劉永年妻  
救水養親恩勤育子

王氏

羅起龍妻  
孝親教子

孫氏

黃甲科妻  
孝親教子

閻氏

生員王孫盛妻

桑氏

李守節妻  
守遺腹子

閻氏

監生蕭開元妻  
節烈自縊

趙氏

滑縣胡村  
繼室旌表

李氏

生員耿太和妻  
巡按旌

趙氏

李繼美之  
子婦守節不嫁自經死

胡氏

東明李英兒妻  
甘貧守節府縣給匾

胡氏

卽問聘妻  
本縣給匾

戴氏

胡璽妻事孀姑  
撫弱叔成立

王氏

毛洪才  
繼妻

趙氏

劉尚忠妻  
甘苦撫嗣

張氏

陳應元妻應元陣  
亡氏孝姑教子

陳氏

丁奇玉  
祖母

段氏

丁奇玉母  
孝事孀姑

邱氏

李奮光未婚室聞  
夫死自縊以殉

李氏

岳重燕  
妻縣旌

袁氏

梁霽虹妻  
絕粒殉夫

陳氏

李璟妻  
旌表

董氏

生員穆鵬錫妻  
與子婦同節

王氏

崔正文妻  
教子成立

蔡氏

王求賢妻  
孝親教子

董氏

勾文檜妻  
孝親教子

崔氏

李觀光妻  
孝姑教子

梁氏

董夔官妻  
孝事舅姑

王氏

王道成  
妻縣旌

甄氏

房琰妻  
旌表

張氏

岳璜妻丐資  
葬觀學院旌

張氏

劉媚妻孝親教子  
署縣沈樹媚給匾

張氏

盧汝為妻孝事祖  
姑教子成名旌表

陳氏

監生李  
凱妻

甄氏

盧龍甲妻  
孝親教子

趙氏

胡允鶴妻強暴胡  
四通姦不從死旌

張氏

呂璧元妻孝  
親撫繼旌表

崔氏

李時和妻  
殉夫自縊

戴氏

曾隆妻  
旌衣

邢氏

監生吳鵬翼  
妻孝親教子

王氏

李端臣妻  
孝親撫繼

張氏

呂珍  
元妻

田氏

張政  
原妻

李氏

聶永  
建妻

楊氏

廖渤  
妻

宗氏

生員鄭文會妻  
殉夫歎毒死

趙烈女

強暴時人逼  
不受汚死旌

張氏

開州生員  
韋延禧妻

孫氏

馬際泰妻夫死子弱  
自刺死白氣冲雲

胡氏

蔡瑾妻嚴舅繼  
姑受逼不嫁旌表

石氏

朱燦妻燦死氏少父  
悔欲嫁之自縊死

武氏

李鳴鸞妻  
甘貧守節

牛氏

許亨妻  
中更喪  
亂艱苦守節

王氏

麗質妻  
年十六而  
寡闔戶自縊  
旌表

魏氏

鄭新妻

劉氏

趙周妻  
守遺腹  
孝舅姑

薛氏

霍懋德妻  
孝姑守子

靳氏

張雲登妻  
甘貧守節

張氏

李大成妻  
夫自縊旌表

史氏

張嚴侯繼室  
生一女避難  
遇寇氏棄女  
抱前妻子以  
逃後母女亦  
得完聚旌表

曹氏

德清知縣  
安九埏妾  
教子傾鄉  
薦旌

馮氏

韋允元妻  
孝姑撫孺

張氏

周映箕妻  
孝親撫子  
旌表

李氏

董綸妻  
旌表

趙氏

張福妻  
養親教子  
旌表

袁氏

雷州副將  
傅傳妻  
教子遊泮

楊氏

尹沐妻  
沐死氏自  
縊旌表

郭氏

王灼妻  
教子遊泮

謝氏

王化遠妻  
白髮舅姑  
黃口三兒  
仰事俯育  
以孝以謹  
旌表

隨氏

張延秀妻孝親撫子旌表

耿氏

張邁妻截髮明志孝親教子旌

王氏

毀生采妻

呂氏

田耕妻事繼姑撫猶子旌表

張氏

金重妻與媳田氏守節同旌

田氏

金蘭妻

苗氏

胡克書妻孝親撫媳旌表

李氏

郭鳳來妻孝翁姑旌

閻氏

郭同善妻旌表

段氏

張珍妻夫死自縊旌

王氏

劉倫妻夫死自縊

胡氏

王聲赫妻孝親教子

聶氏

田曰璋妻孝親教子

趙氏

孫惟統妻孝親教子

劉氏

李淑妻孝親撫子

張氏

董純修妻割股愈姑

谷氏

孫汝霖妻辛勤事育

劉氏

楊滌然妻孝親教子

沈氏

李煥然妻孝慈無不

程氏

李翠妻

王氏 李翬妻

陳氏 郜得明妻 孝親教子

段氏 谷呈禧妻

王氏 張應選妻 孝親 養志訓子 成名

張氏 谷嶧妻 孝 姑撫子

巴氏 王之玉妻 困窮 苦守媳弱孫孤

施氏 王仁道妻 與姑 同節上下無慚

李氏 蘇大生妻 孝親訓子

劉氏 陳源清妻 辛勤事育

徐氏 竇國士妻 孝 衰翁撫猶子

于氏 劉欽妻 甘貧 孝親旌表

杜氏 宋德隆妻 居喪 至禪奠墓 白縗

任氏 胡作景妻 女紅佐 甘旨勞瘁 保孩提

唐氏 石有妻 事 姑克孝

王氏 謝廷俊妻

劉氏 蕭良甫妻 孝 舅姑撫弱子

李氏 劉景泰妻 家貧能孝

趙氏 庫遇賢妻 逼嫁不 從甘貧完節 旌表

何氏 謝士邁妻 孝姑教子

史氏 夏銳妻 貧苦守 子力迎舅喪 旌

張氏

謝士英妻  
孝事舅姑

李氏

長垣靳於朴妻  
持家教子旌表

孫氏

貢生王元烱妻  
殉國難氏守遺孤

章氏

張俊  
繼室

崔氏

知縣成其行妻  
其行沒氏哀毀終

王氏

龐三善妻  
孝事繼姑教子遊泮

夏氏

生員王新運妻  
孤苦無依勵志守節

許氏

朱歷與娣孟氏同節  
妻兵荒備

孟氏

朱妻

夏氏

侯國賓妻  
孝姑教子

段氏

侯國卿妻  
嗣子痘殤氏痛苦自縊死

王氏

知縣崔鈞妻  
鈞殉國難氏守苦節

魏氏

生員王開冲妻

傅氏

生員百三才妻

崔氏

王鸚冲妻  
孝姑姑沒氏不食死

王氏

李鳴鳳妻  
守節撫孤

崔氏

生員閻應昌妻  
撫孤成立

杜氏

成奕越妻  
繼子夭亡氏不食而死

夏氏

許璜妻  
終制哀毀死其婢女王氏後數日亦與俱死

郭烈女

名二鳳郭禹女強暴郭仁逼姦氏不從自縊死詔旌其門

岳氏

蕭葵未婚室聞焚沒氏飲泣終

邵氏

張握理妻辛苦孝姑

濶氏

陶士升妻孝親擇繼

張氏

李鏞妻鏞疾終氏不食死

王氏

崔進財妻割股療姑

呂氏

吏員陳鈔妻孝事翁姑撫弱叔成立

賈氏

李雯妻割股愈姑

王氏

蠡縣訓導楊鍾恒妻割股療姑旋以毀容

王氏

貢生崔瑛妻瑛死無子氏以禮後相繼沒氏終喪代夫事畢不食死

李氏

趙上奇妻守孤完貞

許氏

毛重新妻孝慈克盡

蘇氏

張能妻許四挑之自縊死旌表

楊氏

張洪妻孝親教子

宋氏

成彥濟妻孝親教子

李氏

夏光縉妻殉夫自縊

夏氏

呂守謙妻孝事太姑教子成立

楊氏

崔茂林妻撫孤建坊旌表



王氏 于爾直妻 殉夫自縊 旌表

成氏 舉人黃方璉繼室 旌表

郜氏 史侶蓮妻 撫孤苦節

許氏 郜貴妻 貧苦能孝力葬七喪

王氏 魏承琦妻 夫死子天孤苦完貞 旌表

毛氏 成祥遠妻 殉夫自縊 旌表

于氏 楊斌妻 夫死無子 時遭陵逼苦守弱女聘嫁後自縊而死

李氏 王鶴冲妻 事舅撫孤

周氏 頓生祥妻 熒熒子立苦守 雙雛

夏氏 生員侯敬叔妻 飲毒殉夫

李氏 張東祿妻 夫族無依 隨母苦節

王氏 李鳳翀妻 繼子承祧

張氏 于潛海妻 與寡女形影相弔

于氏 趙煜可妻 隨母守節

趙氏 王墨妻

李氏 生員許丹恂妻

于氏 呂兆璉妻

夏氏 黃妻

吳氏 宋允升妻 孝親教子

呂氏 郭建侯妻 繼子承祧

李氏 周默妻

姜氏 周振鐸妻 孝親撫子

呂氏 黃方理妻 夫死 子天苦節備至

李氏 張世永妻

李氏 生員張鴻緒妻 備 經荒亂子孫顯達

吉氏 王鷗冲妻

夏氏 趙儲妻

賈氏 鄭萬齡妻 與 媳李氏雙節

李氏 鄭鎰妻

趙氏 生員張純曾 妻孝親撫繼

田氏 李博施妻 孝親撫孤

魏氏 王攢妻 與 弟 毛氏同節

毛氏 王穩妻

張氏 爾樸妻 完節撫孤

柴氏 王運升妻 扶持 盲姑勤鞠幼子

李氏 上登庸妻

侯氏 王家質妻 力農苦節

林氏 李尊榮妻

徐氏 高裔昌妻

張氏

玉號  
妻

蘇氏

趙煥  
妻

田氏

王滿冲妻  
繼子承統

姚氏

陳

陳氏

王白  
采妻

宋氏

劉得  
選妻

畢氏

張鼎  
新妻

解氏

陳克  
恭妻

單氏

侯佐  
妻

王氏

宋文  
成妻

李氏

黃兼善妻  
斷髮明志

王氏

憲

夏氏

楊大  
妻

謝氏

孔興信妻  
割耳明志

李氏

馬廷  
璋妻

蘇氏

賈炳妻  
節撫孤苦

王氏

李廷  
世妻

董氏

侯贊  
化妻

劉氏

王文綬妻  
孝姑守子

李氏

崔景  
德妻

大名府志  
卷之十一  
三

王氏

馬文  
可妻

陳氏

呂良  
臣妻

王氏

成奕  
申妻

韓氏

段國選妻  
依母苦節

黃氏

孫維  
翰妻

陳氏

徐從  
雲妻

扈氏

劉珣  
妻

于氏

監生宋得貴  
妻孝事太姑

邵氏

陳鼎  
新妻

畢氏

黃抱  
珍妻

梁氏

崔茂林妾  
教子有方

王氏

李朝欽妻  
育孤成立

黃氏

孫顯玉妻  
無依苦節

柴氏

車秉  
正妻

閻氏

李中  
孀妻

陳氏

王從天妻  
義方教子

張氏

劉士  
彥妻

劉氏

侯懷  
遠妻

于氏

侯勳隆妻子身  
苦節矢志靡他

靳氏

許士  
元妻

劉氏

詩親  
民妻

王氏

馬獻  
圖妻

秦氏

杜汝夔妻孝  
親教子旌表

王氏

劉泰祥妻  
撫姪承祧

傅氏

董獻  
猷妻

楊氏

呂兆熊妻  
孝親教子

張氏

侯樞妻撫  
育幼孫

盧氏

府庠王  
沈妻

侯氏

夏昭妻力  
葬夫喪

國氏

成象  
增妾

李氏

王景  
妻

徐氏

段進  
志妻

宋氏

張文  
傑妻

劉氏

陳養  
乾妻

李氏

王元  
恒妻

樹氏

王新  
民妻

蘇氏

王恤  
民妻

陳氏

張天  
寵妻

王氏

張  
妻

陳氏

李芬  
妻

張氏

宗顯妻

陳氏

生員李庚妻

畢氏

李準妻

韓氏

生員黃調元妻

唐氏

劉正宗妻

杜氏

馮圖魁妻撫孤守節

馬氏

李虎文妻  
割股愈舅

李氏

呂兆琦妻

王氏

崔淳妻

單氏

李似杭妻

劉氏

王昌祚母與  
媳岳氏同節

岳氏

生員王昌祚妻

張氏

胡文煌妻

李氏

蔡珍妻

蕭氏

馮承先妻

王氏

監生張握瓊妻

李氏

頓宗孟妻困苦  
完貞義方教子

許氏

邵貴德妻

堵氏

成霑妻與媳  
黃李同節

李氏

成奕耀妻

黃氏

成奕  
州妻

郜氏

貢生崔  
汝庸妻

吉氏

王相  
妻

扈氏

監生王  
延炤妻

李氏

張象  
賢妻

徐氏

李宗源妻遺孤  
三月撫育全貞

王氏

閔恪妻孝  
親撫孤

陳氏

閔大  
本妻

范氏

陳闇然妻族人  
陵侮堅志不渝

于氏

監生楊  
昱妻

呂氏

李宗  
妻

王氏

李固仁妻  
撫孤成立

張氏

梁重興妻  
力葬舅姑

韓氏

宋文  
姪妻

張氏

楊瑤  
妻

張氏

吏員李  
大升妻

段氏

苑儋  
妻

郭氏

苑供  
妻

李氏

頓成德妻孝  
舅姑撫遺腹

高氏

頓浩妻孝  
姑篤摯

邵氏

趙奇公妻  
孝親教子

傅氏

閔德  
章妻

宋氏

副榜任仁繼室  
與媳侯氏同節

侯氏

任又舉繼室  
孝事孀姑

徐氏

郭應召妻撫遺腹孝及太  
翁姑生事死葬身肩其任

李氏

金治妻  
孝舅撫孤

張氏

生員王澍澤  
妻教子有方

夏氏

舉人戴衡年  
妻孝親撫繼

戴氏

中書王一冲  
妻孝親撫繼

張氏

新田知縣徐振  
妾教子舉孝廉

王氏

子錫祿妻  
孝親撫繼

朱氏

張鳳吉妻  
孝親教子

王氏

熙程妻  
艱苦孝親

常氏

李生  
光妻

張氏

李元振妻與姊張劉  
共撫繼子一門三節

張氏

李元  
士妻

劉氏

李元  
正妻

李氏

張鳳苞妻  
孝親教子

葛氏

葉振吉妻舅姑失明  
氏能養志撫孤成立



靳氏

王東磷妻舅姑病癱子身奉事無懈

朱氏

袁朝相妻

趙氏

蕭芬妻

郜氏

崔汝舟妻

王氏

杜某妻通明大義以孝親教子爲任

崔氏

州同成奕強妻

劉氏

郭興妻與媳李氏同節

李氏

郭渭水妻孝事孀姑

朱氏

楊大成妻孝姑撫繼

曹氏

姜妻

張氏

延年妻教子成立

侍氏

張元魁妻

馮氏

韓克宏妻

郜氏

呂超凡妻

幹氏

張緝敬妻

朱氏

陳體仁妻紡績事親課子遊泮

成氏

陳仲妻孤苦勵志

周氏

婁光宗妻

張氏

樊邦英妻

呂氏

余好仁妻孝事孀姑

鄭氏

陰堂妻甘苦守節

謝氏

賈振妻

張氏

王賜晉妻撫子成立

任氏

劉珠妻

傅氏

張繼宗妻

李氏

王應舉妻

方外

欒巴字叔元內黃人通經典好道術以宦者補黃門令後守桂陽教民以禮因病歸用李固薦與杜喬等循行州郡再遷豫章消弭妖異拜尚書諫憲陵壞人塚墓下獄禁錮靈帝初用竇武陳蕃薦爲議郎陳竇誅上書訟寃帝怒遂自殺子賀至雲中太守

黑子未詳其姓氏九州要記曰黑子居黑山採茯苓

餌之壽百餘歲列仙傳云犢子者鄴人也少在黑山採茯苓松子而食且數百年時壯時老時好時醜時人乃知其仙人也常過市醯酒陽都家陽都女者市中醯酒家女眉生而連耳細而長衆以爲異皆言此天人也會犢子牽一黃犢來過女悅遂留侍嘗隨犢子出取桃李一宿而返味絕美邑中人伺逐之乃黃犢耳走不可及也旦復在市數十年乃去後人于潘山下見冬日賣桃李蓋犢子卽黑子也

元郎真人名志清字明道禹城人年四十遇異人托宿所談皆方外事又二年入道方悟其爲重陽祖師

也泰和間至開居洪洋山復懋通真觀羽化葬洪洋山

劉妙成名志源師宗郎明道後遇長春師賜號清冷子懋通真觀

聶道少任俠十年學道年九十七值


聖祖南巡迎於張秋宣至舟中 賜饌御書春秋高

三字 命有司月給銀三兩道府爲葢屋建坊

一行張公謹孫自幼聰悟從高僧游窮大衍歷數得其精妙唐玄宗間呼爲聖人漢洛下閎造大衍歷云歷八百歲當差一日有聖人定之一行當其期正其

差謬玄宗問休咎對曰鑾輿當有萬里之行已而果播遷入蜀

曇秀禪師願力寺僧也好習三觀翻譯佛書不信神異詭譎之說人問佛旨則曰饑則食寒則衣又問則曰且想心語畢瞑目倚壁坐忽告將遊衆僧環叩則已化矣睿宗初詔以殊禮葬之寺側

海悟禪師大歷時居  邑南蘭若

道因姓侯氏濮陽人甫七歲詣靈岩寺祝髮不浹旬通涅槃經於彭城受嵩法師指授久之杖錫出山避難三蜀居多寶寺論維摩聽者千數時東海寶暹法

師每聞因論肅然改容益國總管鄧國公僕射贊國公范陽公咸申虔仰後赴京師大益恩寺著涅槃華嚴維摩法華楞伽章疏數千言弟子玄凝嗣

子湖巖利蹤禪師澶州人姓周幽州開元寺受具後入南泉之室於衢州馬蹄山結茅創院曰子湖有一隻狗上取人頭中取人心下取人足擬議卽喪身失命其後殺奪隨方臨濟會下二僧參方揭簾師喝曰看狗僧回顧師便歸方丈至廣明中歸寂塔於本山洞老華嚴禪師教人極早於日用處體貼潞公鎮北京洞老謁別公嘆其道韻深穩親送闍維以琉璃瓶

置座前祝曰佛法有靈願舍利填吾瓶言卒烟自空而降布入瓶中烟滅如所願潞公恨知之暮

趙州觀音院真際從諗禪師姓郝氏曹州郝鄉人得法於南泉住錫滑州至趙州而法席繁衍燕趙二王同供養之機權敏捷蔚爲禪宗始終枯槁樸素無一毫有爲法世壽一百二十諡真際大師

臨濟義玄禪師南華邢氏子也落髮進具參黃檗大愚徑山瀉山諸老後住臨濟大機大用虎驟龍奔天下稱爲正法眼藏薪傳皆法門豪傑塔於大名府西北隅勅諡慧照禪師塔號澄靈

興化存獎禪師初侍臨濟卽有所得印諸三聖大覺均許可焉莊宗幸河北召對大悅賜紫號俱不受深得先師棒喝妙用學者稱興化宗晚年鳴鐘坐化

大覺和尚父事臨濟弟畜興化臨終說一枝箭話頭隨州大洪報恩禪師黎陽劉氏子擢軍謀方畧科掛冠學道師投子友張無盡論清涼疏抄卓有識見

圓琛字仲寶本山西人義宗時兵陷太原琛避亂東過內黃遂留焉時年十九善詩歌書法邑人爭爲禮謁日惟一食說佛法結草廬自號曰蓮菴大德元年悅遊顏色如生邑人題曰寶公塔



法澄年弱冠棄俗學了悟佛詮嘗語人曰佛所說存  
心之要也人間佛法則對以孝邦人化之章宗初有  
司爲葺殿宇名曰廣法院址在王右軍廟北百步

瑤光和尚姓劉初爲郡文學獨好內典與開府侯公  
同負時名後祝髮爲僧侯宦歷中外專意訪問無蹤  
跡至爲江西副憲始物色得之攜歸建寺居焉其妻  
子求見絕不許凡達人貴客過侯公者皆樂與談禪  
今其塔歸然寺側

魏縣文殊寺僧可璋持戒不混羣流世壽八十九預  
示化期端坐圓寂九日入龕面色鮮潤

南樂玉光禪師靜默寡言竟日閉戶坐每修參說法  
冥念莊嚴儼然古德宿老又好館名士于方丈膏火  
茗具惟謹故士君子多樂就之年至耄耄而寂

善岩姓宋氏厭棄塵囂落髮雲峯寺能詩與縉紳倡  
和徧遊終南五臺諸勝還魏掛錫郡城普照寺建白  
雲窩問經典不窺庭宇定息十餘年一日示偈曰樹  
倒籐枯是去年了然無法與人傳雲收雨霽山嵐靜  
萬古長空一月圓遂坐化有翠峯詩集行世

梵志開州人王德祖家有林檎樹生瘿大如斗瘿爛  
德祖撤其皮一孩兒抱胎而出七歲始言問誰育我

具以實告因名梵天後改曰志蓋菩薩示化也

常公名瑾少時牧牛羊以手畫地牛羊卽弗出後捨家禮佛隆慶時居次范集之玉皇廟土人無老少皆欽仰之一日端居辟穀諭弟子以遠遊七日弗來可葬之弟子如其言至期果圓寂矣面貌如生葬于集之西北有碑記

王曰銓生而記憶兩世事博通經史尤精於春秋後棄舉子業悉心內典大有元悟晚徒步謁南海有海風吹夢嶺猿啼月之句時或口占自述如蘆花兩岸雪江水一天秋鐵牛耕破扶桑國遊出金烏照海門

人皆傳頌號鮒鰓山人又號蓮舟居士有二子一庠生一登進士萬歷十七年對人言來春當化果應苦心經註疏金剛經疏行世

中印菴性鎮字知止潁州進士曾官京衛指揮使中年出家其子訪之不肯相見子因出家爲其徒法名湛岫字避塵

外傳

秦呂不韋濮陽人以女子干莊襄王竊秦國之柄爲丞相封文信侯號仲父使客著所聞集論以爲八覽六論十二紀二十餘萬言始皇立疑焉飲酖死

漢土莽元城后弟子父曼以蚤卒不封諸父鳳等同  
日封五侯子姓俱灼爍而莽獨折節爲恭儉及其輔  
政成哀之際勤勞國家動見稱述莽旣不仁而有邪  
佞之材又乘四父歷世之權遭漢中微國統三絕而  
太后壽考爲之內主故得肆其姦慝以成篡盜竊位  
十四年漢兵入見殺

淳于長字子儒魏郡元城人以太后姊子爲黃門郎  
拜水衡都尉傳中上欲立趙飛燕爲皇后長主往來  
通語上甚德之追長諫罷昌陵功封定陵侯夫見信  
用貴傾公卿異聲滯於聲色不奉法度與許皇后姊

龍額思侯夫人嬖私通爲許后求爲婕妤好受賂千萬  
會大司馬王根病革長以次當代王莽忌之悉以長  
不法白太后及帝遂逮治長坐大逆死妻子徙合浦  
五鹿充宗魏郡人少以經術知名尤善梁邱易說元  
帝好之擢少府甚見貴幸諸儒莫能抗石顯用事充  
宗與結爲黨友顯賊殺蕭望之京房張猛陳威賈捐  
之等充宗實陰贊之民歌曰牢耶石邪五鹿客耶印  
何纍纍綬若若耶及顯失勢死充宗亦以奸黨罷去  
唐盧杞字子良滑州人貌陋有口才藉蔭爲參軍僕  
固懷恩辟朔方掌書記稱遷虢州刺史言虢有官豕

爲民患德宗以杞有宰相才遂有意柄用擢平章事  
既得志檢賊寢露譖罷楊炎卒逐死時兵屯河南北  
諸州征推不繼杞以趙贊判度支大搜廩里貸商賈  
贏錢人不勝寃李懷光謀反因暴言杞等罪惡帝始  
貶杞爲新州司馬尋詔爲澧州別駕

元盧世榮大名入阿思馬專政世榮以賄進爲江西  
權茶運使以言利稱旨旣被顯用治鈔法括銅鑄錢  
製綾券與鈔參行立市舶都轉運司造舡給本令人  
商販以官錢買幣帛易羊馬於北方選蒙古人牧之  
收其皮毛筋角酥酪等物利盡毫髮百姓怨懟而世

榮益專肆無忌憚監察御史陳天祥上章劾之世祖  
始悟誅世榮剖其肉以食禽獮

明魏廣微字顯伯南樂人允貞子工詩賦由進士庶  
常至大學士出入忠賢門下傾害諸正人楊漣等獲  
罪崔景榮以爲言廣微內不自安乃疏請緩忤忠賢  
意矯詔切責致政歸歿贈卹賜祭葬謚文莊莊烈帝  
立追論削奪列逆案遣戍

以上奸雄

慕容德字元明皝少子慕容暉封德爲范陽王已而  
苻堅敗德乃勸兄慕容垂乘秦之弊以復燕社稷垂  
遂如鄴燕王以德爲車騎大將軍居中鎮衛垂死勅



其子寶以鄴城委德寶嗣位未久魏師大入中山寶  
奔于薊隆安二年德乃自鄴徙滑臺遇風船沒魏軍  
垂至衆懼議欲退保黎陽是夕流澌凍合遂濟師詰  
旦魏師至而冰泮若有神焉遂改黎陽津爲天橋津  
駐師滑臺景星見於尾箕漳水得白玉狀若璽於是  
德依燕元故事稱元置百官慕容寶自龍城南奔至  
黎陽道中黃門令趙思赴滑召慕容鍾來迎聞德已  
據位懼而北奔德乃留趙思欲用之不從德殺之秦  
苻廣自稱秦王敗德將慕容鍾時德地無十城兵不  
過數萬及鍾喪師反側之徒多歸於廣德乃留慕容

和守滑親率衆討廣斬之德旣行長史李辨殺和以滑臺降於魏而將士家悉在城內德將攻之韓範力諫乃止未幾右衛將軍慕容雲斬李辨率將士家以二萬餘人而出德謀於衆用潘聰計引師南略青兗之間遂遷都廣固年七十死僞諡獻武皇帝以兄子超嗣

石閔小字棘奴季龍養孫魏郡人勒破陳午獲閔父瞻時年十二季龍子之驍猛多力封西華侯閔幼而果銳及長善謀策勇力絕人拜建節將軍徙封修武侯歷位北中郎將游擊將軍季龍之敗於昌黎閔軍

獨全由此功名大顯永祚六年殺石鑿其司徒申鍾  
司空郎闔等四十八人請上尊號於是潛卽皇帝位  
改元永興國號大魏復姓冉氏姚襄等三面攻之閔  
帥大敗閔潛於襄國行宮與十餘騎奔鄴將士死者  
十餘萬人時慕容雋已尅幽薊略地至冀州閔帥騎  
叛之與慕容恪相遇於魏昌城閔大將軍董閔車騎  
張溫言於閔曰鮮卑垂勝氣勁不可當也請避之以  
溢其氣然後濟師以擊之庶可成功閔怒曰吾成師  
拙退將平幽州斬慕容雋今遇恪而避之人將侮我  
深乃與恪遇十戰皆敗之恪乃以鐵鎖連馬簡善射

者五千方陣而前閔所乘赤馬曰朱龍日行千里左  
杖雙刃矛右執鈎戟順風擊之斬鮮卑三百餘級俄  
而燕騎大至圍之數周閔衆寡不敵躍馬潰圍走二  
十餘里馬無故死爲恪所擒斬之

楊元感司徒素子襲封楚公先是素死煬帝謂近臣  
曰素不死終當族滅元感聞之內不自安遂與諸弟  
潛謀爲亂會帝征遼東命元感督運黎陽乃令人詐  
稱來護兒反移檄旁郡共發兵討之遂於汲郡渡河  
隨亂者如市道逼都城武衛將軍屈突通右驍衛大  
將軍來護兒等諸軍四集元感屢戰俱北將趨關中

諸軍追躡之元感窮蹙自知不免謂其弟積善曰汝可殺我積善斫殺之因自刺不絕爲近兵所執與元感首俱送行在所磔其屍

李密字元邃多籌策志氣雄遠襲父爵蒲山公散家財以養賓客無所愛恡楊元感反以密爲謀主爲畫三策不聽及敗密閒行入關被擒與其黨俱械送帝所密多與使者金錢得脫走歸翟讓因王伯當以策干讓直趨滎陽讓從之於是掠定滎陽諸縣通守張須陀率兵討讓密令讓布陣壘分精兵千餘人伏林木間讓與戰不利軍稍却密發伏自後掩之須陀衆

潰與讓合擊大破之殺須陀乘勝襲興洛倉讓於是推密爲主號爲魏公密親率兵二萬逼東都將軍段達等拒之官軍敗走帝遣王世充率江淮勅兵五萬討密逆戰不利武陽郡丞元寶藏等前後歎附以百十數於是密復引兵襲破黎陽倉據之已而翟讓與密有隙密召讓飲以計殺之讓部將徐世勣單雄信等皆歸密密令分統其衆世充夜襲倉城密逆戰破之官軍死者數萬人密於是修金墉故城居之會宇文化及弑逆率衆自江都北指黎陽密自將拒之越王侗遣使者封密爲魏公太尉尚書令東南道行軍

元帥密遣使報謝化及與密相遇戰於童山敗之密  
威勢日盛遂驕矜不惜士卒徐世勣數諫不聽令出  
鎮黎陽以疎之已而王世充悉衆來決戰密屢戰屢  
敗諸將王伯當單雄信等各以州縣降世充密自度  
不能支遂遁歸唐封邢國公尋復謀叛伏誅徐世勣  
收其屍葬黎陽山

宇文化及左翊衛大將軍述子煬帝爲太子嬖昵之  
以其弟士及尚南陽公主煬帝卽位拜太僕卿恃恩  
貪冒益甚違禁與突厥交市帝大怒欲斬之以公主  
故竟免已而追憶之起爲右衛將軍是時帝征遼東

聞李密據洛口懼留淮左不敢還都從駕驍果多關  
中人久客羈旅思歸欲謀爲叛化及與弟智及乘機  
構會乃與武賁郎將司馬德戡元禮直閣裴通互相  
煽惑以義寧二年三月十日率驍果數萬人向煬帝  
宮馳入永巷問帝在西閣遂弑之執朝臣不同已者  
及諸外戚皆殺之立秦孝王子浩爲帝化及於是入  
據六宮尋引兵向東郡元文都推越王侗爲主遣使  
拜李密爲魏公擊化及密遣徐世勣據黎陽倉化及  
渡河保黎陽縣分兵圍勣密壁清淇與勣烽火相應  
化及數戰不利食且盡乃渡永濟渠與密決戰於童



山大敗遂入汲郡又遣使拷掠東郡吏民以責米粟郡守王軌怨之以城降密諸將陳智畧張童兒等相從判去化及懼北走魏縣腹心稍盡兵勢日蹙兄弟惟相聚酣飲醉則更相尤怨化及自知必敗嘆曰人生固當死豈不一日爲帝乎於是酖殺浩僭皇帝位於魏縣國號許寶建德悉衆攻之擒化及弟兄檻車送至河南數以弑逆之罪并二子承基承址皆斬之田承嗣平州盧龍人少時隸安祿山麾下祿山反與忠志爲賊前驅陷河洛郭子儀平東都承嗣以郡降俄而復叛安慶緒奔鄴承嗣自潁川來與蔡希德武

合珣合兵六萬慶緒復振抗王師史思明亂承嗣又  
爲賊導繼與李懷仙等誥僕固懷恩乞降懷恩白承  
嗣等分帥河北賜鐵券承嗣素陰賊旣得志卽計口  
重斂使老弱耕壯者悉籍從軍百姓苦之自置官吏  
又求兼宰相代宗以賊亂甫平多所含忍因就加同  
中書門下平章事封雁門郡王以魏州爲大都督府  
詔子華尚永樂公主冀結其心而承嗣愈不遜大歷  
八年承嗣遣將盧子期取洺州楊光朝取衛州脅刺  
史薛維雄不從屠其家悉擄四州兵財以歸帝乃下  
詔貶承嗣爲永州刺史遣河東節度使薛兼訓成德

李寶臣昭義李承昭淄青李正己等兵六萬犄角並進討之承嗣計窮不知所出遣其下郝光朝奉表請委身北闕下又使田悅盧子期將兵攻磁州李承昭以神策射生軍繼進襲子期賊大敗斬首九千級田悅遁走執子期送京師斬之大歷二年遣諫議大夫持節至魏受其降許闔門還京師與之更始承嗣復逗遛不至十四年承嗣且死顧諸子弱命田悅知節度事田悅亦狡猾與李惟岳朱滔王武俊等連兵拒命寇邢洛詔李抱真馬燧李晨率兵討之大破田悅後爲弟田緒所殺

劉豫字彥游景州阜城人少無行元符中舉進士嘗盜同舍生金盃紗衣政和二年拜侍御史爲言者所指帝詔勿問尋擢知濟南府金人攻濟南因遣人啗豫以重利遂殺其將關勝率百姓降金百姓不從豫縋城納欵兀朮乃徙豫知東平府充京東西淮南等路安撫使節制大名魏博等州以子麟知濟南府界舊河以南俾豫統之初金主遣粘沒喝南伐諭之曰俟宋平當援立藩輔如張邦昌者及兀朮北還衆議可立者豫以重寶賂撻懶立已撻懶遂定議以聞於是金主遣大同尹高慶裔及知制誥韓昉備醢綬寶

冊立豫爲大齊皇帝世修子禮奉金正朔置丞相以  
下官九月卽位都大名府子麟提領諸路兵馬兼知  
濟南府弟益爲北京留守紹興四年岳飛韓世忠數  
敗賊兵恢復襄鄧豫懼乞師於金人下僞詔有混一  
六合之語帝自將親征下詔暴豫罪惡士氣大振會

岳飛遣牛皐徐慶等敗金人於廬州韓世忠乘勝追  
擊連破之豫乃奪氣於是金主命撻懶兀朮僞稱南  
侵至汴紿麟出麾騎擒之馳至城中豫方射講武殿  
兀朮突入東華門執豫囚於金明池盡籍其貲財儲

積數百萬廢爲曹王紹興十三年六月死

以上竊據

按舊志外傳分奸雄竊據爲二而傳中所列皇甫  
暉王章皆因喪亂之餘因緣殘暴不可與奸雄比  
並故從芟除而以呂不韋等入焉至新志紀明末  
鼎革之際長垣李如琮宋朝相等附於竊據之流  
但逆闖入關未幾卽敗一時乘亂劫掠所在多有  
名雖爲賊禍不崇朝尚未可與張角王仙芝等事  
從別錄故不系於傳亦欲使狐鼠之流正名禱杌  
云爾